

02/12/21

XA TAU NTAWV CUAG: Kelly April Tyrrell, kelly.tyrrell@wisc.edu

Nov yog qhov koj yuav tsum paub txog koob tshuaj tiv thaiv COVID-19 hauv UW–Madison

MADISON – Txij thaum lub Ib Hlis xiab 5, 2021, uas *University Health Services* [tau pib hno koob tshuaj tiv thaiv COVID-19](#) rau cov neeg hauv UW–Madison, tau hno tshaj 7,000 koob rau cov neeg ua haujlwm thiab mejyig uas hno tau. Qhov no yog xam thawj koob thiab koob thib ob uas yog ob koob tshuaj *Pfizer-BioNTech* thiab *Moderna* ua.

“Nws tau yog ib qho zoo heev muaj koob tshuaj hno tiv thaiv peb cov neeg ua haujlwm thiab mejyig uas yog cov raws li xeev kom hno koob tshuaj,” *UHS* tus *interim medical director* Patrick Kelly hais. “Peb hno ntau koob npaum li peb hno tau txhua hnub thiab yuav hno ntxiv raws li qho peb tau txais cov tshuaj thiab muaj neeg yuav hno.”

Tam sim no, [cov neeg hauv tsev kawm ntawv hno tau](#) yog:

- cov ntsib neeg hauv chaw kuaj mob, xws li cov kws kuaj mob thiab cov mejyig ntsib neeg, uas lawv ua haujlwm nrog cov neeg lawv ntsib yuav kis tau tus kab mob SARS-CoV-2 rau lawv. Cov no yog cov mejyig kawm ua kws kuaj mob, cov tu neeg mob, muab tshuaj, thiab cov mejyig kawm ua haujlwm nrog tib neeg thiab qhia ntawv uas ntsib kawm txog tib neeg;
- cov ua haujlwm kuaj COVID-19, thiab cov tshawb fawb kawm thiab lwm cov neeg ua haujlwm nrog tus kab mob thiab kua nruab nrog txog tus kab mob;
- cov ua haujlwm hauv *UW Police Department*; thiab
- cov ua haujlwm hauv tse kawm ntawv muaj 65 xyoos thiab tshaj.

Txawm peb muaj coob tus mejyig thiab neeg ua haujlwm npaj yuav hno koob tshuaj — thiab qhov no yog ib qho xov xwm zoo rau kev noj qab haus huv thiab nyabxeeb rau peb ib tsoom — peb yuav tsum tau ua ntxiv li xeev cov kev muaj ua raws.

Rau tam sim no, nov yog cov nej yuav tsum paub txog koob tshuaj hauv UW–Madison:

Twg txiav txim leej twg thiab thaum twg cov neeg thiaj hno tau koob tshuaj?

UW–Madison ua raws li cov kev xyuas leej twg hno tau ua ntej ntawm *Wisconsin Department of Health Services*, uas *Advisory Committee on Immunization Practices* thiab *State Disaster Medical Advisory Committee* yog ob qho txiav txim. [Raws li DHS](#), cov pawg neeg xyuas hno rau cov yuav mob tau loj yog kis tau tus kab mob COVID-19 ua ntej.

Leej twg yuav hno tau rau tom ntej no?

Pib [rau los lub sij hawm li Peb Hlis xiab 1](#), DHS [yuav qhib ntxiv rau cov neeg](#) nram no hauv UW–Madison:

- qhia ntawv thiab zov menyuam (xws li cov xibfwb thiab neeg ua haujlwm ntsib cov mejiyig tim ntsej tim muag)
- ib co neeg ua haujlwm tseem ceeb rau pejxeem (xws li cov ua haujlwm ua cua sov/tsias thiab rau kev khiav haujlwm)
- cov ua num rau kuaj mob tsis nyob tom hauv ntej ntsib neeg (xws li cov ua num txhawb kev kuaj mob, li tu cov hoob kuaj mob)

Tsev kawm ntawv tseem xyuas txhais li xeev muaj kom ua raws saib leej twg hno tau koob tshuaj thiab UHS mam qhia thiab muab caij teem rau cov neeg hno tau koob tshuaj raws li muaj tshuaj hno. Peb xav tias yuav siv sij hawm me ntsis thiaj yuav hno tas txhua tus nyob rau pawg no. Thov ua siab ntev thiab to taub tias UHS kuj xav kom tau rau nej txhua tus.

Vim li cas peb ho hno tsis tau koob tshuaj rau cov neeg kom ceev me ntsis?

UHS tsuas muaj peev xwm hno tau koob tshuaj ntau li xeev muab, thiab xeev muab raws li qhov xeev tau cov tshuaj xwb. Peb ua li peb ua tau kom hno tau koob tshuaj rau cov neeg hno tau, uas peb pom tias yuav muaj neeg coob yuav hno koob tshuaj rau yav tom ntej.

Puas yuav tsum kom UW–Madison cov mejiyig thiab neeg ua haujlwm yuav tsum hno koob tshuaj tiv thaiv COVID-19 xwb?

Tam sim no, tsis muaj qhov yuav tsum kom cov neeg hauv tsev kawm ntawv yuav tsum hno koob tshuaj tiv thaiv COVID-19 xwb.

Nej xaiv puas tau hno koob tshuaj lub tuam txhab twg ua?

Vim cov tshuaj tseem muaj tsis tau txaus, yuav hno koob uas muaj rau lub caij nej tuaj rau nej lub caij teem xwb. UW–Madison tab tom tau txais ob koob tshuaj uas *Pfizer* thiab *Moderna* ua.

Kuv puas yuav dim qhov kuaj hauv tsev kawm ntawv tom qab kuv hno koob tshuaj lawm?

Tam sim no, tsis dim. Ob koob tshuaj tam sim no tau cai siv hno pab tiv thaiv cov neeg ntawm tus kab mob COVID-19 txog li 90-to-95 feem pua, tab sis muaj tus puav cov neeg twb hno koob tshuaj lawm tsis yuav mob taus. Thiab peb tsis tau paub tseeb tias cov neeg twb hno koob tshuaj lawm puas yuav tseem kis tau rau lwm tus. [Lub Centers for Disease Control and Prevention tseem tab tom kawm ntsuam](#) kom to taub zoo txog kev sib kis ntawm cov twb hno koob tshuaj lawm thiab tej zaum cov kev ua raws ho yuav pauv rau yav tom ntej. Nws tseem ceev yuav tau nco thiab, tias nws yuav siv txog ob asthiv tom qab koob thib ob thiaj yuav tiv thaiv nej tau zoo.

Ob koob tshuaj puas yuav tiv thaiv tau cov kab mob uas pauv txawv yog lawv kis los txog hauv tsev kawm ntawv?

Cov neeg tshawb fawb kawm tseem xyuas ntxiv txog ob koob tshuaj muaj hno tam sim no saib tiv thaiv tau zoo li cas rau cov kab mob COVID-19 pauv txawv tshiab uas kis tau zoo tshaj li cas.

Ib co [kev kawm ntsuam xyuas xub thawj tau hais tias](#) Pfizer-BioNTech thiab Moderna ob koob tshuaj tiv thaiv tsis tau zoo heev rau ib co kab mob uas pauv txawv, uas thwm tau tias tej zaum yuav kis tau rau ib co tib neeg yoog yim. Tabsis cov kev kawm ntsuam no kuj pom tias ob koob tshuaj tiv thaiv tau cov tib neeg kom txhob mob loj, txhob tau mus pw tsev kho mob thiab tuag ntwam txhua tus kab mob pauv txawv.

UW–Madison yuav xyuas li cas kom muaj kev hno koob tshuaj rau sawv daws sib luag?

Peb pom tias, thooob tebchaws thiab hauv Wisconsin, kev kuaj mob muaj txawv ntau raws cov neeg cev nqaj daim tawv thiab muaj los pluag thiab cov no ua rau qhov hno koob tshuaj txawv ntau npaum li cas. Peb sib zog txhawb kom muaj kev ruaj ua raws xyuas txog cov kev muaj sib txawv no.

Rau piv txwv, peb tau txhais cov ntawv hno tshuaj no rau ntau yam lus thiab siv ntau yam kev muab cov ntawv no tshaj tawm kom txog txhua tus meyjig thiab neeg ua haujlwm. Peb kuj nrog cov thawjsaib thiab neeg ua haujlwm *human resources* uas tsev kawm ntawv xaiv xyuas muab cov neeg hauv tsev kawm ntawv uas hno tau koob tshuaj. Cov neeg ua haujlwm kuj teem tau lawv lub caij mus hno koob tshuaj lub caij ua haujlwm thiab.

Rau cov lus teb ntau nqe lus nug txog COVID-19, nrog rau cov lus nug txog koob tshuaj, mus saib hauv: <https://news.wisc.edu/tag/covid-questions/>

Rau ntaub ntawv qhia ntxiv txog UW–Madison kev xyuas dhaws COVID-19, nrog rau nrhiav Cov Lus Nug Txog Tas Li (FAQ) mus rau hauv: <https://covidresponse.wisc.edu/>

Rau ntaub nawv txog koob tshuaj, COVID-19, los hu cuag University Health Services, mus saib hauv: <https://www.uhs.wisc.edu/medical/>

###

-- Kelly April Tyrrell, kelly.tyrrell@wisc.edu, 608-262-9772